



UKA-EM 2025/19

26/9-2025

Margrethe Thårup Andersen

Taarsigassarsitsisarfinnut aningaasalersuisarfinnullu aningaasaateqarnissamut piumasaqaatit nakkutilliinermilu piumasaqaatit pillugit Kalaallit Nunaannut inatsisip allanngortinneqarnissaa pillugu inatsisip akuerineqarnissaa pillugu Inatsisartunut aalajangiiffigisassatut siunnersuut
(Aningaasaqarnermut Akileraartarnermullu Naalakkersuisoq)
(Siullermeerneqarnera)

Qujanaq Naalakkersuisut siunnersuummut, Demokraatiniit tamakkiisumik tapersikkatsinnut.

Pingaaruteqartorujussuuvoq, nunatsinni aningaasarsiornerup nunani tamalaani pissutsinut malinnaanissaa, qulakkeerumallugu toqqissisimaneq, siuariartorneq aningaasanullu periarfissaqarnerunissaq. Siunnersuut inuussutissarsiornerup ineriartorneranut tapertaassaaq aningaasaliisussarsiornitsinnullu periarfissaqarnerulersissalluta.

Maluginiarparput, GrønlandsBANKEN tusarniaanermut akisummini ersarissumik siunnersuummut tapersiisoq aammalu tassunga ilutigalugu sukkasuumik atortussanngortinneqarnissaa kajumissaarutigalugu. Nunatsinni aningaasaqarnikkut suliffeqarfissuarmiit naqissusiineq pingaarutilik, takutitsisoq, aningaasanik ingerlatsiviit namminneq ujartoraat ersarissunik sinaakkuteqarnissaq atugassartititaasullu patajaatsut. Taamaaliornerisa siunnersuut pingaarutilittut pissusissamisoortutullu naqissuserpaat.

Taamatut oqaaseqaateqarlutik Demokraatit siunnersuut akuerineqaqqullugu innersuussutigaat aammalu Aningaasaqarnermut- aamma Akileraartarnermut ataatsimiititaliami suliareqqitassatut innersuussutigalugu.